

P. VERGILI MARONIS

certantis, quorum stupefactae carmine lynces,
et mutata suos requierunt flumina cursus,
Damonis Musam dicemus et Alphesiboei. 5

tu mihi, seu magni superas iam saxa Timai
siue oram Illyrici legis aequoris,—en erit umquam
ille dies, mihi cum liceat tua dicere facta?
en erit ut liceat totum mihi ferre per orbem
sola Sophocleo tua carmina digna coturno? 10
a te principium, tibi desinam: accipe iussis
carmina coepta tuis, atque hanc sine tempora circum
intra uictricis hederam tibi serpere lauros.

Frigida uix caelo noctis decesserat umbra,
cum ros in tenera pecori gratissimus herba: 15
incumbens tereti Damon sic coepit oliuae.

D. Nascere praeque diem ueniens age, Lucifer, alnum,
coniugis indigno Nysae deceptus amore
dum queror et diuos, quamquam nil testibus illis
profeci, extrema moriens tamen adloquor hora. 20

incipi Maenaios mecum, mea tibia, uersus. 25
Maenalus argutumque nemus pinusque loquentis
semper habet, semper pastorum ille audit amores
Panaque, qui primus calamos non passus inertis.

incipi Maenaios mecum, mea tibia, uersus. 25
Mopso Nysa datur: quid non speremus amantes?
iungentur iam grypes equis, aeuoque sequenti
cum canibus timidi uenient ad pocula dammae.

incipi Maenaios mecum, mea tibia, uersus. 28^a

Mopse, nouas incide faces: tibi ducitur uxor.
sparge, marite, nuces: tibi deserit Hesperus Oetam. 30

incipi Maenaios mecum, mea tibia, uersus.